

ԾՐԱԳԻՐ-ԿԱՆՈՆԱԳԻՐ

ՍԵՐԱՍՏԱՅԱՅԵՐՈՒ



ՍԵՆԵՔԵՐԻ ՄԵԱՆ ՄԻՈՒԹԵԱՆ

Միութեան Կնիքը չկող օրինակները
անվաներ են

Դա՛ն
1919



ԳՐԱԴԱՐԱՆ


ԵՐՈՒԱՆԻ ԱՋԷՄԵԱՆ

1919

ԾՐԱԳԻՐ - ԿԱՆՈՆԱԳԻՐ

ՍԵՆԵՔԵՐԻՄԵԱՆ ՄԻՈՒԹԵԱՆ

ՍԵՐԱՍՏԱՀԱՅԵՐՈՒ



Յօդուած 1. — Սերաստիոյ և շրջակայ գիւղերէն Հայեր վերակազմած են Պոլսոյ մէջ նախկին «Սենեքերիմեան Միութիւն»ը 1918 Դեկտեմբեր 29ին:

ՆՊԱՏԱԿ

Յօդուած 2. — Այս Միութեան նպատակն է.

ա) Սերաստիոյ քաղաքի և գիւղերու ազգային, բարեսիրական, կրթական գործերու վերակազմութեան և բարգաւաճման նպաստել:

բ) Վերջին եղեռնին հետեւանքով ցիր ու ցան եղած հայրենակիցները փնտռել, գտնել և միացնել, նիւթապէս և բարոյապէս օժանդակել անոնց և ստուգել անոնց կորուստները:

գ) Անգործ մնացած հայրենակիցներու ըստ կարելւոյն գործ գտնել:

Այս նպատակին հասնելու համար պիտի կիրարկուին հետեւեալ միջոցները.

Մ Ի Զ Ո Ց Ն Ե Ր

Յօդուած 3.— Թղթակցութիւն.

ա) Միութիւնը կ'առանայ տեղեկատու նամակներ, խնդրագիրներ եւայլն:

բ) Կը գրէ անոնց պատասխաններ, քընական նամակներ եւայլն:

գ) Կոչեր կ'ուղղէ արտասահմանի բոլոր հայրենակիցներու նպաստելու համար միութեանս նպատակին:

Յօդ. 4.— Դիմումներ:

ա) Միութիւնը կը դիմէ Պատրիարքարաններու, Ազգապետարաններու, Բարեգործական Միութեանց, Հայ Կարմիր Խաչի, կը խնդրէ անոնց աջակցութիւնը եւ համերաշխաբար կը գործէ անոնց հետ:

բ) Կը դիմէ քաղաքական մարմիններու, դրամատիրական եւայլն ընկերութիւններու:

Յօդ 5.— Օժանդակութիւններ նիւթական եւ բարոյական:

ՄԻՈՒԹԵԱՆ ԿԱԶՄԸ

Յօդուած 6. — Միութիւնը ունի հետեւեւեալ կազմը. անդամներ, ընդհանուր ժողով, վարչութիւն և օժանդակ-վարիչներ:

Ա Ն Դ Ա Մ Ն Ե Ր

Յօդուած 7. — Միութեան կրնայ անդամակցիլ այս Ծրագիր-կանոնագիրը ընդունող ամէն Սերաստացի կամ Սերաստաբնակ հայ:

Յօդ. 8. — Անդամակցելու համար պէտք է ստանալ վարչութեան հաճութիւնը:

Յօդ. 9. — Անդամակցութենէ կրնան դադրիլ. ա) կամովին բ) անդամներու թիւին երկու երրորդի պատճառաբանուած վճիռով: գ) երէք ամիս անդամավճար չտալու պարագային:

Յօդ. 10 — Անդամակցութենէ դադրողը ու է դրամական պահանջ ընելու իրաւունք չունի:

Յօդ. 11 — Միութիւնը կ'ընդունի նաև ոչ-Սերաստացիներու եւ օտարներու անդամակցութիւնը անոնց տալով պատուակալ տիտղոսը:

Յօդ. 12 — Պատուակալ անդամները ընտրելու և ընտրուելու իրաւունքը չունին:

Յօդ. 13. — Միութիւնը սիրով կ'ընդունի
դուրսէն ըլլալիք ունէ բարոյական և նիւթա-
կան օժանդակութիւն:

ԸՆԴՀԱՆՈՒՐ ԺՈՂՈՎ

Յօդ. 14. — Միութեան Ընդհ. ժողովը տեղի
կ'ունենայ կանոնաւորապէս երկու ամիսը
անգամ մը, անհրաժեշտ եղած պարագային
կրնան նաեւ գումարուիլ արտակարգ Ընդհ.
ժողովներ՝ վարչական ժողովի հրաւերով
կամ անդամներու թիւին առնուազն մէկ
երրորդին փափաքով:

Յօդ. 15. — Ընդհ. ժողովը բուէարկու-
թեամբ կ'ընտրէ իր դիւանը, բաղկացեալ Ա.
եւ Բ. Ատենապետներէ եւ Ա. եւ Բ. Ատե-
նադպիրներէ:

Յօդ. 16. — Դիւանի պաշտօնաւարու-
թիւնը մէկ տարի է. դիւանը վերընտրելի է:

Յօդ. 17. — Ընդհ. ժողովին մէջ կը կար-
դացուին վարչական ժողովի գործունէու-
թեան տեղեկագիրները:

Յօդ. 18. — Ընդհանուր ժողովն է Միու-
թեան բարձրագոյն մարմինը:

Յօդ. 19. — Յօդուած 2ի ա) նպատակը
անփոփոխելի մնալու պայմանաւ, կրնայ
Ծրագիր-Կանոնագրի որ եւ է փոփոխութիւն
կատարել անդամներու ամբողջ թիւին եր-
կու երրորդի հաւանութեամբ:

Յօդ. 20. — Կ'ընտրէ վարչութեան անդամները:

Յօդ. 21. — Ընդհ. ժողովը օրինական է երբ ներկայ են անդամներու թիւին առնուազն կէսէն մէկ աւելի: Երբ առաջին հրաւերին վրայ այս թիւը չի գոյանայ երկրորդ հրաւերով գումարուած ժողովը օրինական է երբ ներկայ են անդամներու թիւին մէկ երրորդը:

ՎԱՐՉՈՒԹԻՒՆ

Յօդ. 22. — Վարչութիւնը կը բաղկանայ տասներ մէկ անդամներէ, որոնք վերընտրելի են, կը պաշտօնավարէ տարի մը:

Յօդ. 23. — Վարչութեան անդամներէն ունէ պատճառով մնայուն կերպով բացակայող ըլլալու պարագային անոնց կը յաջորդեն ընտրութեան ատեն մեծամասնութիւն շահողներէն առաւելագոյն բուէ ստացողները:

Յօդ. 24. — Առանց բանաւոր պատճառի վարչական ժողովի երեք յաջորդական նիստերէն բացակայողը վարչութեան անդամակցելէ կը դադրի:

ՎԱՐՉՈՒԹԵԱՆ ԳՈՐԾԵՐՆ ԵՆ.

Յօդ. 25. — Ընտրել իր Ատենապետը, Ատենադպիրը և Գանձապետը:

Յօդ. 26.— Վարել Միութեան գործերը
Ծրագիր - Կանոնագրի և Ընդհ. ժողովներու
որոշումներու համաձայն:

Յօդ. 27.— Կեդրոնացնել մասնաճիւղե-
րու դրամի վերաբերեալ տեղեկութիւնները

Յօդ. 28.— Պատրաստել Միութեան ընդհ.
գործերու տարեկան համարատուութիւնը
եւ ներկայացնել ընդհ. ժողովին:

Յօդ. 29.— Միութեան անունով կա-
լուածներ գնել կամ ծախել: Բայց ունէ կա-
լուածի գնման կամ վաճառման համար Վար-
չութիւնը պարտաւոր է ընդհ. ժողովի ար-
տօնութիւնը ստանալ:

Յօդ.— 30. Պատրաստել Ընդհ. ժողով-
ներու օրակարգը:

Յօդ. 31.— Վարչական ժողովը կը գու-
մարուի շաբաթը անգամ մը և ի պահան-
ջել հարկին Ատենապետի հրաւերով աւե-
լի գումարումներ ալ կրնայ ունենալ:

Յօդ. 32.— Պաշտօնական գրութիւնները
պիտի կրեն Միութեան կնիքը, Ատենապե-
տին և Ատենադալիրին ստորագրութիւնները:

Յօդ. 33.— Տասը օսմ. ոսկիէ պակաս
գանձումներուն ստացագիրները կը կրեն
միայն Գանձապահին ստորագրութիւնը: Ա-
ւելի գումարներու ստացագիրները կը կրեն
նաև Վարչութեան ղեկանի ստորագրութիւն-
ները:

Յօդ. 34.— Ընթացիկ գործերու համար Գանձապահը կրնայ իր մօտ պահել առ առ առաւելն 50 օսմ. ոսկի, մնացածը պահ տալով Վարչութեան կողմէ որոշուած դրամատան մը մէջ ընթացիկ հաշուով:

Յօդ. 35.— Վարչութեան բոլոր անդամները հաւաքաբար պատասխանատու են Ընդհ. ժողովին՝ Միութեան բոլոր գոյքերուն ու դրամներուն համար:

Օ Ժ Ա Ն Դ Ա Կ Վ Ա Ր Ի Չ Ն Ե Ր

Յօդ. 36.— Ամէն գիւղ որ 10է աւելի անդամ ունի, իրաւունք ունի օժանդակ վարիչ մը ընտրել որ ներկայ կը գտնուի վարչութեան ժողովներուն, թելադրութիւններ կ'ընէ մասնաւորապէս իրեն համայնքին մասին, առանց ձայն ունենալու տրուած որոշումներու մէջ:

Ե Կ Ա Մ Ո Ւ Տ

Յօդ. 37.— Իւրաքանչիւր անդամակցողի մուտքի դրամը առնուազն 1 օսմ. ոսկի:

Յօդ. 38.— Իւրաքանչիւր անդամի ամսավճարը առնուազն 25 դրշ. փափաքողները կրնան կանխիկ վճարել վեցամսեան, կամ տարեկանը:

Յօդ. 39.— Տոկոսներ և եկամուտներ,
պահեստի գումարներէ և գոյքերէ:

Յօդ. 40.— Նուիրատուութիւններէ,
թատերական ներկայացումներէ, երեկոյթ-
ներէ, վիճակահանութիւններէ, կայլն գո-
յացած հասոյթներ:

ՀԱՅՏԱՏՈՒԹԻՒՆ

Յօդ. 41.— Միութիւնը կ'ունենայ գրա-
սենեակ մը Պոլսոյ մէջ և ի պահանջել հար-
կին մասնաճիւղեր Սեբաստիոյ և արտասահ-
մանի մէջ:

Կ Ն Ի Ք

Յօդ. 42.— Միութիւնը կ'ունենայ իր
կնիքը «Սեբաստահայերու Միներերիմեան
Միութիւն 1918» մակագրութեամբ, կը պահ-
հուի վարչութեան դիւանին բով:

Յօդ. 43.— Միութիւնը կը լուծուի երբ
անդամներու թիւը 25էն պակաս է և կամ
անդամներու երկու երրորդին վճիռով:

Յօդ. 44.— Լուծման պարագային Միու-
թեան ամբողջ ունեւորութիւնը յանձնուի Հայ
Կարմիր Խաչի Գեղրոնի վարչութեան:

ՀԱՅՏԱՏՈՒԹԻՒՆ

ԳԱՍ Հիմնարար Գիտ. Գրադ.



FL0319271

722

835

